

SAMÞYKKT

um hundahald í Keflavík, Njarðvík, Grindavík, Miðneshreppi, Gerðahreppi, Vatsleysustrandarhreppi og Hafnahreppi.

1. gr.

Hundahald er bannað innan ofangreindra sveitarfélaga á Suðurnesjum að undanskildum þarfahundum á lögbýlum, leitarhundum og hundum til aðstoðar blindum og fötluðu fólki skv. læknisráði.

2. gr.

Sveitarstjórnnum er heimilt að veita undanþágu til hundahalds með eftirfarandi skilyrðum:

- a. Hundurinn skal skráður hjá Heilbrigðiseftirliti Suðurnesja (HES) og þar fær hund-eigandi merktá plötu, sem við á og jafnan skal vera í ól um háls hundsins. Húðflúr á eyra, gert af dýralækni, er einnig fullgild merking.
- b. Árlega skal greiða leyfisgjald fyrir þá hunda, sem undanþága er veitt fyrir. Sveitarstjórnir ákveða árlega upphæð gjaldsins í sérstakri gjaldskrá, sem heilbrigðismálaráðherra staðfestir, rennur það til að standa straum af kostnaði við umsjón og eftirlit með hundum á svæðinu og skal upphæðin við það miðuð. Gjaldið skal greitt við skráningu fyrir eitt ár í senn og síðan fyrirfram árlega með gjalddaga 1. mars. Þarfahundar á lögbýlum, leitarhundar og hundar til aðstoðar blindu og fötluðu fólki skv. læknisráði eru undanþegnir þessu gjaldi. Dráttarvextir falla á ógreidd leyfisgjöld eftir 1. maí. Hafi greiðsla leyfisgjalds ekki átt sér stað að 6 mánuðum liðnum frá gjalddaga má afturkalla viðkomandi leyfi. Ef hundur er gefinn eða seldur, ber fyrri eiganda að tilkynna hinn nýja eiganda til Heilbrigðiseftirlits Suðurnesja innan 30 daga.
- c. Allir hundeigendur skulu hafa hunda sína ábyrgðatryggðá hjá viðurkenndu váttrygginga-félagi. Við greiðslu árlegs leyfisgjalds ber viðkomandi að framvísa kvittun frá trygginga-félagi sínu, er sýni að tryggingin sé í fullu gildi. Framvísa ber slíku vottorði fyrir þarfa-hunda við hundahreinsun.
- d. Hundur skal aldrei ganga laus á almannafæri heldur vera í taumi í fylgd með aðila, sem hefur fullt vald yfir honum. Eigi er leyfilegt að fara með hunda inn á leikvelli, skóla, matvöruversianir, fiskverkunarhús eða aðra staði þar sem matvara höfð er um hönd, ennfremur sjúkrahús, kirkjur, bókasöfn og opinberar stofnanir. Þarfahundar á lögbýlum (smalahundar), mega ekki ganga lausir utan girðinga, nema þeir séu notaðir við smölun.
- e. Hundahald í sambýlishúsum er háð því að eigendur/umráðamenn íbúða samþykki slíkt og skal lagt fram skriflegt samþykki þeirra þegar sótt er um undanþágu til hundahalds í viðkomandi húsi.
- f. Hundaeigendum ber að hlíta að öðru leyti lögum og reglum er hundahald varða, þar á meðal reglum um árlega hreinsun hunda, svo og fyrirmælum sem heilbrigðisnefnd kann að setja.
- g. Hundar mega ekki valda ónæði með hávaða eða gelti.
- h. Þegar hundur er í festi á húslóð skal lengd festarinnar við það miðuð að óhindrað megi ganga að aðaldrym hússins. Vönun hunda skal gerð að boði Heilbrigðiseftirlits Suðurnesja, teljist ástæður til þess af fenginni reynslu og skal slíkt tilkynnt hunda-eigendum á lögformlegan hátt. Tíkur ber að sprauta með getnaðarvarnarlyfi með 5 mánaða millibili, þó má gefa undanþágu frá því, ef fyrir liggur skrifleg beiðni frá Hundaræktunarfélagi Íslands.
- j. Hundaeigendum ber að viðhafa fullkomið hreinlæti í meðferð hunda sinna og m. a. að fjarlægja hundaskít.

3. gr.

Við brot gegn skilyrðum fyrir hundahaldi, má taka viðkomandi hund úr umferð og skal honum komið fyrir í hundageymslu sé um minniháttar brot að ræða í fyrsta skipti. Skal þá hundaeigandi látinn vita og honum gefinn kostur á að leysa hundinn út gegn greiðslu alls kostnaðar vegna brotsins innan viku. Sé um að ræða ítrekað brot eða alvarlegt afturkallast viðkomandi undanþága til hundahalds. Veitist hundur að fólki með gelti eða urri, glefsar eða bitur telst það alvarlegt brot. Vanræksla á að færa hund til bandorma hreinsunar telst alvarlegt brot. Heimilt er að aflífa leyfislausu hunda.

4. gr.

Sveitarstjórnnum er heimilt hvenær sem þörf krefur að afturkalla leyfi fyrir einstökum hundum eða öll veitt leyfi teljist þess þörf. Þegar um afturköllun leyfis er að ræða, ber hundaeiganda að færa hund í hundageymslu eða til dýralæknis í samráði við Heilbrigðiseftirlit Suðurnesja. Í þeim tilvikum þar sem rekja má leyfissviptingu til vanrækslu eiganda skal eiganda veittur viku frestur til að ráðstafa hundinum annað. Sé slíkt ekki gert er heimilt að aflífa hundinn.

5. gr.

Brot gegn samþykkt þessari varðar sektum. Með brot gegn samþykkt þessari skal farið að hætti laga um meðferð opinberra mála og að öðru leyti í samræmi við ákvæði laga nr. 50/1981, VI og VII kafla.

6. gr.

Framangreind samþykkt sveitarstjórna Keflavíkur, Njarðvíkur, Grindavíkur, Miðnes-hrepps, Gerðahrepps, Vatnsleysustrandarhrepps og Hafnahrepps staðfestist hér með skv. 22. gr. laga nr. 50/1981, um hollustuhætti og heilbrigðiseftirlit, sbr. lög nr. 7/1953, um hundahald og varnir gegn sullaveiki, til þess að öðlast gildi þegar við birtingu. Jafnframt falla úr gildi samþykktir ofangreindra sveitarfélaga sama efnis.

Heilbrigðis- og tryggingamálaráðuneytið, 16. maí 1983.

F. h. r.

Jón Ingimarsson.

Ingimar Sigurðsson.

AUGLÝSING

**um staðfestingu félagsmálaráðuneytisins á samþykkt fyrir Byggingarsamvinnu-
félag hvolfpaksbyggjenda.**

Samkvæmt lögum nr. 59 30. apríl 1973 sbr. 79. gr. laga nr. 51 9. júní 1980 hefur ráðuneytið í dag staðfest samþykkt fyrir Byggingarsamvinnufélag hvolfpaksbyggjenda.

Félagsmálaráðuneytið, 19. maí 1983.

F.h.r.

Jón S. Ólafsson.

Hólmfríður Snæbjörnsdóttir.